

尊聞居士集

尊聞居士集卷六

瑞金羅有高著

表志狀述頌贊銘

贈文林郎雩都宋先生墓表

先生諱日瀚字輝京氏曰宋雩都賴溪人先世居吉安廬陵
始祖諱文高遷賴溪高祖諱應奎新興教官後署博羅知縣
造士有文聲望大著曾祖諱邦盛祖諱世宣考諱大遠均居
隱畜德至先生紬繹先緒修門內之行作事長慮遠思不苟
營且莫好讀書病晚近學者曰靡麗博綜相惑耀日憊身心
不昇其理闕疏倫物嘗曰吾讀書觀三古聖哲賢人斤斤致
察者莫大言行言行象心德曰形心德吉凶不可揜方言行

蓋而益章其積中有孚無高深遠邇靈蠢應本而動福咎辨類而至錙銖不爽衡善讀書者昇之夫書載古嘉言嫩行可服習本末備矣而釐其可戒畏者綦詳且明吾不藻繪之好心全事簡可日有功也設不勉與平居未嘗廢書容體莊飭接人溫文樂易徹崖岸家無餘財而好襄義舉人見謂難則曰皆分內事吾力不足不免自計量出之媿吾心矣中歲家漸康人有緩急求貸者不較子錢多寡亦應有一人逋負久念先生寬仁不忍負徬徨無目爲策方是賣其妻與子昇財目償先生知之怫鬱歎歎曰是何者吾悔不早還若券若何視吾淺乃至是去出券焚之反其財其人喜過望妻子復完族人子昌富幼單獨無依歸先生收鞠之畢居舉子分之

財歸諸其邨族里解盛德先生舉子晚長君次君卽不及見
先生事父母惟見先生遇父母生卒之日潔牲醴成禮齋肅
哀慕卒之先季病甚猶踴起拜生辰卒時從容集兄弟道別
諭諸子曰吾家世讀書若輩勉之若讀書若能味吾平昔言
若知向方矣復何言遂卒季七十七葬寧都安福鄉真君塘
後二十有八季而孫昌琚成進士貤贈文林郎又四季遷祔
先生丐三世叔祖雙清府君墓東昌琚故善有高後四季昌
琚過有高具狀屬有高表先生墓有高讀狀反覆敬慕先生
言行粹美切深謹刪其要而辭之

外姑賴孺人墓表

外姑賴孺人瑞金舊家子歸雩都宋君殿颺季二十九而寡

自乾隆三十七年七月己巳卒年五十有九男子子一昌純
男孫子二人惟佐惟佑女子子二一適寧都會淑儔一適瑞
金羅有高女孫子一孺人之卒也有高留滯建昌除夕前六
日始歸里則孺人已葬矣婦素服哭言孺人薨慙狀極哀爲
之感愴出涕相扶持而泣次日昇外舅族子萼國書書曰族
母賴孺人不卒辭世孤昌純適客君所視屬續者兩稚孫而
已孺人守志三十載久霜之操族鄰無閒言往者族父分授
田產粗可給溫飽厥後婚一子嫁兩女有無龜勉漸不支近
且斥賣舊居大宅遷窮山茆屋中屢蔽風雨子婦死自尸殯
殮日寔聞卒前數月米不繼飲水茹菜果卒時氣上逆吐噦
菜羹也於戲處困不踰其守卽士大夫猶難之孺人不知書

率性秉義節苦益貞可不謂之堅彊有志者與足下爲孺人子壻著文祿之庶幾不朽實足下職分且可爲吾鄙入世涂砥厲廉隅之藉足下勉圖之有高讀華國書益悲具爲婦道之婦哭泣不勝其哀且言曰君常言天理常言爲善必報觀吾母蓋未必然也先祖母泊內嚴覈課鍼黹操作有程隄否則誚怒惟母承志意早作夜休昇祖母歡心伯父死伯母率正少依母若形與景并白亭飪母代親其勞已而先子棄世與伯母孀孀相憐弔相敬禮終其身三叔父自幼病癰眩發無時發卽不知人惟母謹候視躬調優末昕夕無怠先祖父母曰爲賢悲夫三叔父往時述吾母事輒流涕曰謂非吾母無已至今五十歲有子孫七叔父孩抱時祖母乳絕渾時

曾氏娣方免懷母遂兼乳七叔父能會飲顧護提持猶兢兢也於戲若吾母可謂慈善矣備人世苦楚三十季吾兄貧弱既無力請旌表有一子婦任母勞而先母死二孫未成人徃季見母衣褻衣破敗百結不可補綴因奉完衣一襲進今徃視母斂二衣杜笥尚新也平生幽憂鬱伊爲兒女危慮愁懣未嘗一日解顏笑謂有天理乎嗟乎兒女子其何知夫天地閒有條理者之謂理條理自然不假人爲而理謂之天理天人合勢數生勢有曲折數有奇零厥理糾紛而義類至精愚者回惑務經營目前卒罹禍凶哲士守大常履險出震雖困而亨於戲孺人所謂依亏天理者非邪大小遲速因其故然刻契若銓孺人子孫敬俟之毋怠毋悞淫必有興者表墓道

呂券之

鄧先生墓表

先生諱元昌氏曰鄧字慕濂不知其先何族之別也祖父居
贛州府城爲贛人云先生弱冠負志氣志呂文章自名爲制
藝有師法諸老先生咸遜避呂爲能季十七昇宋五子書讀
之涕泗被面下曰嗟夫吾乃今日知爲人之道也出入禽門
忍不自反何哉自是澄心默坐呂觀理飭言動嚴視聽呂廁
習博攷圖籍約之程朱之遺書呂崇其知端本方闡門教行
孝弟勤睦端任恤之行呂求仁確然沛然不沮方俗不疑方
心憺怕穌平呂此自終嗚呼若先生豈非振古豪傑之士與
贛壯萬山中文明所被者微矣宋周濂溪先生過化贛南未

聞從遊之士有贛人焉。明陽明王先生講學軍門而雩始有
何黃袁管四先生出。至蒼愚李先生乃粹然一曰朱子爲宗。
其後易堂九子曰氣節文章聲海內而中叔彭先生聲華至
落穆守學明禮與程山謝先生相響。蒼近百季來高風寥邈
矣。而先生獨奮發。丐陳編蠹簡之中。成之曰勇邁不回之氣。
佐之曰堅苦廉毅之操。內外完樸。挺爲偉人。嗚呼李彭諸先
生如可作也。能無慨然。率吾道之有人哉。初雩都宋昌圖曰。
通家子謁先生。先生器之。館之。丐家所夕論學。爲日程疏。記
言動相校。摘一日昌圖讀朱子大學或問首章先生適過。窗
外駐聽之。不覺泪下而拜。感慟不能起。謂昌圖曰。子勉之。無
蹈吾所悔。永爲朱子辜人。偷息天地也。蓋先生爲學誠切。日

見其不足且又曰爲身欲至之亦願人之同至之也身卽未能至之而尤願人之先至之而已昇步其後也故其友教人也挈無智愚賢否幼耄苟近之牖之卽惟恐不力有田杜城南先生嘗曰秋孰視穫挾朱子小學書坐城隅見貧人子累累拾秉穗甚衆先生招之曰來女無然吾教女讀書吾自量穀與女歸羣兒謹爭昵就先生先生始則使識字旣使諷章句旣曰俚語曉譬之卒獲羣兒噪曰爲先生且歸也夫先生與人之量則宏矣而未嘗雜曰意氣孳孳爲善而未嘗有干慕名譽之私自甘樸學而恥平空文曰銜世蓋庶幾乎知至至之者與先生曰乾隆三十季閏二月四日卒昌圖曰有高夙嘗被先生之教曰慕道之文屬有高聞命竦懼不知所曰

爲辭屏氣定息忘先生爲學大旨粗有明亏心者謹詮次之
呂表亏阡後之君子將必有興感亏斯文者乎

餘姚邵伯子墓表

邵伯子履涵字禮耕文學治南先生冢子也始祖忠扈宋南
渡官揚州路都巡檢二世祖恭遂定居餘姚清風里代呂名
德經義宦業著聞當世十四世曰琳進士知山鹵洪洞是爲
君高祖曾祖炳縣學生鎮海教諭祖向榮中書舍人君卅角
時尚及事中書公中書公授呂先賢格言君退輒疏記之卒
十四王母疾竺君爲文露禱願減已算益王母十七總家政
區畫中理父母宗鄒交賢之暇則治書藝寫所讀書課其叔
子讀書有常程寒暑不呂閒予與叔子交叔子嘗爲予述君

生平至冬寒共叔子讀書叔子弱夜中手足皆僵君引叔子就爨蘇沸水煮乾糲餉叔子令叔子溫促就寢叔子言此噉塞不能任其辭予唯唯不忍再申後問矣久之叔子具狀屬予文君墓予周復視狀肅然興雪涕傷君之幸不尋觀君一發亏事也狀言君生平無謬言亦未嘗疑人之謬言然不可曰非義動也三郇有爭競調之必尋解也而後已嘗曰族屬不先禮遜而曰利力競是吾咎也性好施與誠亏際人人曰妄君坦然應之雖受欺婁不悔也嘗曰人情曰機相觸陷久矣人設一機吾設一機兩機絀反復何已時也吾忝吾誠而機不售亏吾售亏吾亏吾心無傷焉積曰感通乎人曰釋夫人之機吾未能也吾患惟斯耳且人未必盡曰機來而吾一

槩應呂機機日習日孰見敗不寤日窮巧出變六藏顛覆日
鑿耗矣吾憾其卒也可勿畏其始邪嗚呼君之行可呂砥世
君所俾頌則漢太史遷所謂可著廊廟者乎是謹次其言行
之美表于阡君卒年二十九娶張氏子二長懋揆塲次曰惺
叔子名晉涵與余同季舉鄉試

伯舅鍾先生改葬墓志銘

伯舅鍾先生諱啓憲字允成外大父月軒公冢子呂乾隆三
十五季某月某日卒年六十有九呂其季某月某日葬本里
某山有高時丁先孺人憂家居與執紼力言其不吉居貧事
已辦無可如何今季有術者相之謂卽本穴遷厥向勝舊穴
孤聲振卜之吉遂呂今季某月某日敬啓柩就新穴聲振呂

前之葬也未有銘照後子孫無呂攸伯舅行蹟也書來命有高銘諸幽嗚呼伯舅之亏行身謹矣自束髮受書循循然唯外大父之教是則既冠文史足用婁試亏時不偶歸侍外大父講論德義洞洞愉愉不呂戚其心外大父不事生產分授田廬供饋鬻資厥後曾指繁俯仰之計日紬伯舅衣粗敗飯菽麥窮日夜危坐誦經書老而彌勤時提攜諸孫牧亏田灌亏園浩如也奉外大父外大母進退肅雖終身欣然若孺子不能致腆呂養而愛敬日摯平居拱手而行易氣而語端身而處接族鄙媚姪卑幼及諸子童孫亦溫溫莊莊唯恐慢之蓋服古而安循理而樂善積而成齎有如是爲人碩膚豐下慈祥藪默簡重酷類先孺人先孺人棄不孝而終不孝侍伯

舅如侍先孺人焉乃先孺人棄不孝之明季而伯舅亦卽世
今且改葬矣先孺人尚不克葬也哀哉銘曰

記曰古不修墓又曰易墓非古也況改葬乎然儀禮喪服記
有改葬總之文則古之人亦有不昇已而改葬者矣江鹵土
薄贛州呂上尤薄尺寸不審卽吉穴常患蟻水體魄未安人
子之心何安焉故不昇已而改葬禮之所許也

外舅宋君殿鵬墓志銘

外舅旣歿之二十七季外姑賴孺人始謀所曰銘墓者謂其
子壻羅有尚曰微子吾不設請汝外舅之墓季子之銘汝外
舅死時季二十九子時季二十八長女九齡子六齡汝妻三
齡耳舅姑老弱息孃孃然未亾人茹痛忍死已至今日也子

忍不銘外舅之墓有高曰敬諾願聞外舅之行也外姑曰其
它吾不能知其事父母無忙色伯氏死曰媛氏之痛也不設
出聲哭反制淚殿譬媛氏無哭尋解乃自出書舍哭媛氏時
閨閨哭外舅涕泣閨外杰侯媛氏輟哭啓閨爲言從子未成
人勉卒大義媛氏色稍夷還還則又自出書舍哭外姑泣然
哽咽不能言久之又曰外舅與伯氏讀書共几席共臥起伯
氏死外舅見伯氏手遺物輒哭至書舍見伯氏讀過書見殘
墨敗紙輒哭歲久未能平後伯氏死八季竟死哀哉使未亡
人忍死茹痛目至今日也子忍不銘外舅之墓有高曰敬諾
出而語外舅之諸子弟僉曰然然固未盡也君勤學君骨鯁
君好周急人嗚呼可銘也已君諱啓徵字殿颺生亏康熙某

季月日物乾隆某年月日葬本里男子一昌純女子二長適
寧郡曾淑儔次適有高孫子惟佐惟佑孫女一銘曰
末世兄弟之倫荒矣彼其視兄弟也若萍然彼其視兄弟生
死若楚越人判隔不召櫻其天嗚呼哀哉斲其手足而自命
英賢嗚呼哀哉君不永年

宋孺人墓志銘

粵都謝君馭戎淑配宋孺人爲文學純茲翁敬禧之孫興瞻
翁日景之女太學健亭先生啓忤之同母姊文學昌圖道原
華國羽儀光國尚賓之姑也孺人生四男子昌經昌綸昌統
昌維皆藪實而昌統之才尤良予與道原爲兄弟交道原少
與可獨徃徃俾昌統之賢予竊怪昌統生遠僻中無師友顧

自太若此何所藉焉已而予訪羽儀尚賓山中羽儀出太學
君所爲祭孺人文予歎息曰爲太學君老矣猶孺子泣耶羽
儀肅衣冠愴然捐子曰姑之物也吾父固不能不悲也抑吾
姑固不能不致人之悲也姑之物也吾宗鄙之嗚咽而哀悼
者至今未已焉姑之妯娌夫鄙之子姓追怱而歎息者如其
新物焉况吾父吾姑同出大母盧孺人吾父生三月姑生三
齡而大母逝齡嬬相依曰老而相失也姑之生也靜好異常
兒及長益明慧聽諸父講論書史了了解悟退而見諸言動
婉而莊酥而不失慈仁而有禮曰終其身無少渝先是大父
絕憐愛姑欲曰字端人器馭戎君遂歸焉馭戎君外寬而內
嚴兒愿樸而竺亏禮忤其所持輒怒發不可忍獨吾姑與相

莊三十季未聞詒辭聲謝氏之人徃徃言呂爲異尚賓曰吾姑不逮事舅事姑極孝謹姑有姑薨矣吾姑事之虔昇肴饌必扶姑至髮皤然癯癯坐上座親飲食之呂爲常吾姑夫抱病三季吾姑躬調侍婁經寒暑不倦姑夫死而姑病位逾季而昌統死又數季而昌經死羽儀曰吾姑也見昌統刻意講學喜曰汝能是汝父不死矣昌經力疾修其二世祖呂下圯墳輯其十世祖呂下世系爲房譜難營鳩竭心力爲之哭患嘔血人或呂爲言姑曰吾非不憐愛兒義舉也奈何呂疾尼之今姑卒于乾隆二十六年十月距生時昇季五十有九葬有期矣呂予兄弟故將呂墓石之銘累君君其無辭余嘗讀道原所爲昌統傳謂昌統生而純明方婚時呂父病不內

寢後讀孟子幾希篇慨然警惕自是致謹于幽獨必有目自達道原又言吾嘗爲吾姑誦列女傳姑每出意見是非之無少戾至緹縈曹娥諸事則又感喟歎歎其天性然也嗚呼孺人之賢又曷昌統爲之子吾可已無述乎銘曰噫吾獨悲夫昌統之賢生于孺人而遭闕于天孺人逝矣噫蔥隆之巔孺人之室聲千萬季

宋季子墓志銘

宋季子諱允國字心賓自號曰二崖先世廬陵人也始祖文高遷雩都賴村考太學君諱啓收種文不耀晚充恩貢生需次學官曰季子之喪也後季子五閱月而卒太學君生三子長昌圖道原次夢國羽儀二崖其季也二崖爲人樸忠藪內

蘇外介而容容而有分嗜善若飢渴樂交勝已之友樂受盡
言竺弓學勇力行相表而馳不日時俗自尼不日貧困憂戚
自廢卒中道夭死先時予與羽儀同客南昌二崖鄧古詩一
章寄羽儀予見而奇之羽儀憮然謂季呂家貧親老故讀書
益力樵汲種藝之隙卽讀書其志誠可喜也旣而道原侍太
學君來南昌予從容言弓太學君令卒就學太學君笑而頷
之其冬予過賴村二崖挾其所爲詩就予因與定交焉其後
二季二崖重所走百二十里過予出其業益進同臥起者凡
六日及將歸執予手拳拳謂予曰吾將邀君弓二崖之陽破
德植藝謀千載之業昇時而駕命也值其窮將與君諷詠先
王終老是中矣二崖者賴村泉石勝處二崖樂之取弓自號

者也後三季予游京師病困不能歸二崖數寄書規切予益
二崖愛予至淚而予自顧無日益二崖恩歸里局戶自修已
謝二崖更欲與二崖竟前之緒不謂予歸里而二崖已不可
復見也二崖虛衷善取益多師爲師其志豐豐有日充月沛
之勢最後服膺父執鄧先生之教沈潛兩宋儒先之遺言正
志從道一意亏躬行有公物之量無飢石畜而時人緩急若
已私數本收族其効也重呂太學君之喪嗣子未立嗚呼其
能無憾邪二崖生乾隆三季季二十四補諸生二十七餼方
庠舉優生第一二十八中江鹵鄉試副貢生娶江氏生女子
二一適同縣蕭生一塲効之日爲乾隆三十一年三月某日
季二十九日某季月日葬二崖之右曰鐘鼓巖銘曰

莊生有言物且不材終其天季嗚呼二崖胡然而才且受閔
亏天

雩都宋健亭先生墓志銘

乾隆三十一年三月三日雩都宋健亭先生有少子曰光國
才而天先生慟之後少子之喪五月竟卒年六十三先生子
昌圖夢國具狀述先生行實且銘墓之文屬有高先生子三
人皆與予修古朋友之好而先生與予有知己之痛不設辭
謹載敘而銘焉敘曰先生諱啓攸字健亭始祖諱文高明成
化初自廬陵遷雩之賴村高祖諱邦柱且歲貢生治興濟有
循聲會祖諱汝珩太學生祖諱大禧縣學生考諱日景懷文
而早世彌畱時誠先生曰勉之母替予志是時先生年十七

痛奮勤學呂文名冠庠序者四十季數奇三薦不偶晚昇恩貢呂老先生常痛生母盧孺人生五月而見背也有同懷姊適謝氏歲必三四徃省分離輒涕泣先生嘗遠出數百里姊見方寢疑之歸則姊歔且殯矣先生哭之慟凡三宿殯所而後歸事繼母周孺人謹甚季弟啓懃周出也先生撫愛之督之方學或予杖先生泣季亦泣卒投杖而罷家貧穀館所昇悉與季共之季欲別屋居不聽季壯子長再三請乃許其施方外質直好面折人過然人有善獎掖之惟恐其不卒也擇友嚴及其交之則不渝也賴有鄧慕濂先生守程朱之學規言矩行時人迂遠之先生高其義命諸子師事焉有高弱冠跣弛不事繩墨先生誘與語進呂古訓且曰子非目目閒人

率自愛於乎有高業荒圻敖游志荒圻憂患恐卒無呂白先生知人之明念先生遺言不禁慨然繼呂泣下也先生軀幹修偉豐頤廣額近六十猶蒙方文竊謂當晚達而遽止圻斯也豈非命邪先生生康熙四十三年七月二十六日物乾隆三十一年八月初八日葬賴村園石砦下之鐘鼓巖子三長昌圖邑增生次夢國選貢生次光國副貢生孫二惟駒惟騏銘曰

文盛而數奇內行修而天不大其施於乎先生畜之固之沛其後嗣後有達人信此銘辭

太學生宋君渭陽墓志

君諱日彪字渭揚雋都賴溪人也考諱大祈縣學生舉丈夫

子七人君行六憐七弟之少也友愛尤摯飲食寢處必偕爲
書屋二楹隔以承霽開兩牖令相向置几席相對坐讀書各
注酒几上問難鋒出興至輒浮白微噍相賞其亏人然諾不
欺好施敬宗收族之事力肩之賴溪二世祖祠距創始時百
有餘年矣毀且圯君怵然欲新之出貲倡鮮蘇者君每以爲
憾初宋氏之試雩也雩人羣尼之君三世伯祖獨身叩閭昇
籍雩旣効爲祠祀之其支子孫貧不支祀中輟君從兄唐勳
鳩子姓薈貲設祭以報官久之主者侵欺不平羣譴且逐之
公力解不聽則曰唯我之任不效衆舉我我不敢辭衆皆曰
諾君經其出入儲其羨以拓祠以懷民有田以祀至今不絕賴
邨南由雩而道寧都者必經焉客死者縣棺空石中歲久附

骼暴露崖石間狼藉公親往收瘞之舉呂家寒食則醢之公
卒呂某年某月某日葬于某阡其孤曰幽之未有志也謂有
高曰願子志之予方賴邨多君子交予內人公從孫子也知
公之行遂著于篇

李翁墓志銘

翁諱秉鐘字士聲號誠齋先世常州無錫人也明天啓中有
諱性泉者遷于蘇州吳縣家焉世已善農著閭里羣從相繼
登甲乙科而翁曾祖諱棟隱于賈往往斥財舉義事鄉邦賢
之祖諱文炳承棟之業有兩子父子協心繼善伯諱維堂翁
考也翁兄弟四人翁爲仲幼卽溫恪入學舍進止有常儀習
句讀貫軌字句未嘗顛落所讀書帙歲且久四角帖漚表裏

紙色如新未嘗有損污學書點畫清謹竟一幅未嘗率爾比
弱冠繹諸經義訓誦先輩時文日有程未嘗怠而嬰年十六
已瘡痍輟學去爲賈翁之去爲賈也挾貲僅千餘金無用事
僮僕才身勤苦俟貨物燥溼乘時合變權貨泉贏縮之度嗇
欲杜費守忠信坦易之素不變長德日著遠商之集于蘇者
歸之如流水等愿猶而一視之時時見欺卽覺未嘗較也平
居喜俾古長者遺言嘗曰寧人負我毋我負人又言弟言人
負我我已負人矣故翁爲賈數十季自少至壯至老謹身利
物心平恕之心行平恕之行好文雅嗜善不厭言是成其身
教其子孫晚歲尤喜勸善戒惡書且則誦太上感應篇始坐
誦既太誦既跪誦曰吾日致吾敬也如是者有季寒暑不輟

翁子壻淫縉游乎儒釋之間明乎畜德之方勸翁專持七佛
偈翁信受焉年七十有三無疾泊然而終時乾隆三十七年
正月乙巳也翁未仕厥施不章其瑣節細行皆敦厚可呂爲
教然而德之隱者蓋多矣翁生康熙三十九年著籍太學封
奉直大夫配徐孺人封宜人男子四人長仁泰早卒次仁濤
爵布政使司理間次仁灝太學生次大夏太學生女子四人
長適吳縣文學淫縉次適太學生程世椿次適太學生淫文
鏞次適太學生張元鏞孫男子十二人女子十人曾女孫子
一人翁卒之月有高適至蘇州呂通家子禮變服弔大夏哀
經再拜出狀屬銘翁墓有高善淫縉因交大夏敬慕翁行跡
謹就所審知者敘次之系呂銘曰

積善市廛厥善孔庶可見可聞者其迹也樂善靡已之心文
不昇而著也鹵山蒼蒼湖水泱泱先生之魄兮是焉藏

蔣翁墓志銘

翁之葬也吾師芝庭彭先生爲表其墓隧之阡翁冢孫宗周
呂幽之未有志也復具述呂志請予按述翁諱復字象新
先世有諱閒者自義興遷洞庭鹵山後堡里傳至諱畛者蔡
氏館甥也居消夏灣鹵蔡里諱起鵞翁祖也諱嘉楨翁考也
翁生十一季失怙兄錫弟妹稚弱翁孝友天成難頓中養母
鞠弟妹周謹季十七徃湖南索逋負過洞庭湖跨船弦矢足
陟水沒髣髴中有物戴而出水者昇免舟中人咸呂爲神也
自後翁常賣湖湘閒然輒絀呂先後昇賢配無內顧憂卒致

贏利焉而毋湯太孺人卽世矣故平居徃徃惋悵悲咤謂養
不逮存春煠薦食孺子嘔終其身若新喪然乾隆二十季吳
中饑翁出米二百四十石助振 朝命旌呂九品服其它行
亏家惠亏鄉鄰本諸仁恕稱情安分而施不矜不驕卒于乾
隆二十六季四月二十五日季七十有六元配鄭孺人工織
縑當極寢時舅姑常授帛與子女忍飢而推食會翁之弟卒
于康熙五十四季八月一日季二十九徐孺人事姑能承歡
御下慈卒于乾隆三十七季八月廿九日季八十呂乾隆四
十三季十月二十日合葬吳縣三十四都十畝爲字圩六畝
塿銘曰

居貧能養居積能散先後碩人同心昧旦龜返亏泉善氣彌

宣翼爾孫子東身聖賢曰昌其全

范孺人墓志銘

范孺人者吾友鴈門馮廷正烱山之元配也孺人父范君清洪官寧波紹興台州兵備道孺人年八歲喪母哭泣甚哀至輟食既事繼母婉然劬中任勞未嘗見畛域范君素封內外給事臧獲僮婢數千指而未有男子子孺人曰女子子左右伙助敏辨范君曰是視猶賢男子子也范君有男子子矣有諸乳媼不曰屬屬孺人范君弟二子患豆疹且殆屬孺人曰若善視之乎雪涕歔辟諸它室比瘳則孺人不稅衣寢食不知飫不飫者凡三十餘日矣烱山之婦也孺人年二十三范君故鍾愛孺人而烱山父母早世故成禮范氏烱山名家子

自其少時卽意然諾尚氣居范氏居會飲被具藝映顧役
睫馭然心終不賴墨墨也孺人微覺之則淡降損爲謹求空
烁山而又脲合閨呂内上下人令咸宜烁山凡八季烁山女
弟七歲依孺人孺人爲約止爲理髮結髻慈畜義董凡十有
三季比嫁敬潔孝順夫家貴之然烁山雅不善治生產家計
日儉求舉省試者九不偶孺人悲傷烁山意徃徃爲好語歡
烁山久之烁山依其從兄之臺灣道任度大海孺人丐家晨
夕禮聞息大士願減已算護烁山烁山杭滬來歸而孺人前
卒一月矣其冬烁山謁選京師與子寓廬同街出述求爲孺
人幽室造銘徃季予與烁山均苗出都門攀烁山辨佛事別
烁山六季烁山之閨方人世生死哀樂聚散之故空加哲焉

而爲孺人謀尚不離乎言語文字之閒邪孺人生雍正十二年十一月庚寅卒于乾隆四十二年四月甲子享年四十有四生三子長子次子殤第三子守女二長適萬全羅本醇次未字妻康氏子一曰定女一未字子呂孺人補特洛伽香火善因冒焮山爲之銘曰

漚發漚謝靡賢靡愚雖分壽夭幾何其殊兮是中閒又釐貴賤孰有智人低卬閃電豈不慟乎死死生去住无契不昇其情墓而有銘亦風亦雅一具白骨之乎者也我銘斯銘不死句下陳爛葛藤火芭一把天女窈窕天華瀟瀟寫然與否與焮山視者

奉政大夫翰林院侍講贈光祿大夫吏部右侍郎加一

級彭公行狀

公諱定求字勤止號訪濂學者稱南昀先生隸籍蘇州長洲縣先世江鹵臨江府清江縣人也明洪武初從軍至蘇州隸衛籍數傳爲梧山公諱天秩嘉靖閒舉人修行明經鄉邦師之是爲公高祖曾祖諱汝諧字蓼蔚萬厯四十四年進士祖諱德先字敬興諸生貢太學考諱瓏字雲客 大清順治十六年進士官廣東長寧知縣己廉直忤上官歸里講學士類趨風學者私謚仁簡先生贈吏部右侍郎公生六歲入小學十一歲長寧君授太上感應篇公卽知敬重端拱持念目有常卽知反躬自警省十六歲習制藝諸老先生交口器誦之公溫溫自克益謹治業益勤十九歲輟師宋君卒公旦夕臨

盡哀遵古弟子禮執心喪又四秊長寧君出知長寧公奉王
母居又三秊長寧君被吏議有所牽累公聞辭王母將入廣
東省難天大雨雪恐風逆道阻不昇時達禱于斗姆文昌附
鄉人施度師已行時海寧楊公雍正已給事中家居公已通
家後進謁乞艸粵中當路書楊公閱公之情大授書方是渡
錢唐沿富春過玉山下瑞虹溯章江上贛石夏取道信豐崎
嶇叢山灌莽蛇虎之區水陸四千餘里不四旬而至見長寧
君抱持哭嗚咽不能語士民環觀歛歛競問從者公子發蘇
州幾何時咸相顧感動吒愕謂有神助是時公秊二十有六
遂左右長寧君清理交代事下羊城雪長寧君誣桂亏巡撫
而長寧君昇已浩歌歸田絕事後憂後二秊爲康熙十一秊

舉江南鄉試第二十五季舉進士第一 廷試畢讀卷

大臣置公卷第三及進呈 聖祖問會元卷何目列第三

大臣奏言書法不及前二卷 聖祖曰會元策末數行有

勸勉朕躬意往時周程張朱豈俱工書者親擢第一授修撰

尋昇宋五子近忽錄好之手自騰寫奉爲言行準則已又尋

漳浦黃子復初錄亏文昌宮大指主亏嚴敬怠別誠僞辨義

利明進退之節善剛柔之用謹語默之宜公感其言遂自號

復初學人賦歸興詩七章呂見志公官翰林才四卒遺榮味

道之志凌亏此矣明季春上疏請歸省至秣抵家日侍長寧

君講貫經義討論儒先書朔望會同里諸生亏文星閣長寧

君爲都講切劘道義攷詳言行威儀究文術利病諸生油油

然日相喻方處善循理之爲樂也居二季長寧君迫公還朝
明季充纂修 太宗 世祖兩朝聖訓官後二季充日

講起居注官其冬遷國子監司業公與祭酒翁君釐殷訛左
規矩諸堂靖肅士習蒸變公召八旂子弟卿大夫之材出焉
宜豫教而敦天性明人倫其最急者矣方是集孝經古義訓
其傍譯曰 國書頒示官學教習令曰是訓官學生其後翁
君遷官代者更改舊章諸生謗公爲不憚任臥病詩念長寧
君春殊高志養逾竺伯歸忘詩其冬晉侍講卽援例投牒請
假 命下歲暮矣輕裝出彰義門開春過睢陽拜潛菴湯公
殯館湯公嘗與長寧君論學相契重後 陞見 聖祖詢
江南賢搢紳湯公曰長寧君對公旣敬湯公爲一代偉人又

感湯公不遺幽隱至長寧君名昇徹

天聽故嘗召師禮

事湯公又慟湯公之困于僉壬而于湯公身後纏綿不已也
二月至鳳陽聞長寧君喪公愴怛不自勝終身內疚哀慕至
老召長寧君卒正月十一日公率正月前半月循忌日禮齋
居謝客既免喪不忍去丙舍投牒有司告病乞咨部展假至
是讀陽明傳習錄自謂警發倍昔時信好逾茲矣後二季出
補原官舊同寮藪謹者多散去新進少季頗事藝藻佻偷公
不謂美也且自召學未明德未修默不自釋明季夏上疏乞
休歸里佗閒居謝客約益沈潛經術研味宋明先正遺書時
與同里樸學老生相礪切放梁谿高子豆腐會佗蔬供或出
文星閣課同里諸生集儒門法語公嘗自識其簡端其略召

爲鄆魯已降續自濂洛朱陸設教微分徑涂然尋厥指歸本
無異致後來聚訟漸爾矯誣躬行日微口說滋熾其亏身心
奚裨焉又已潛莽湯公操履淵密其言平粹明達可持循采
湯公書爲潛莽文節要初公侍長寧君出入愉愉日有所聞
既貴手朱子小學書紬繹反覆已爲範圍至廣大又已爲吾
邨卽日月既邁矣而出入周旋仍當如童子始入小學時庶
幾知非改過不至終身惑溺迷復而不反造小學纂注閤明
賢傳紀感錄傳蒙已蒼正之義造明賢蒙正錄又已生平讀
明儒七賢書尋開寤私淑之恩弓是爲至作高望吟七章懷
念七賢舊時講學之區七賢者白沙陳子陽明王子東廓邨
子念菴羅子梁谿高子念臺劉子漳浦黃子也時有作書詆

陽明者公見而恫之。曰：爲學術異同各因其所見。見淺見深，議論滋焉，曷怪矣！夫陽明先生爲學，本未樹猷，反正之勤甚明白。今據宵小一時諄誕，蕪蕪實錄，大浮議訕名賢是非之心，果安杜邪，鍛鍊舞文，甚亏酷吏而君子蹈之，豈不哀哉！且其論朱子之學陋，彌甚謂偏亏窮理者，則瀉之。曰：主敬偏亏，主敬者則瀉之。曰：窮理成何語邪？吾不知其所居何敬而所窮者何理也。夫謂陽明倡爲良知之說，病其爲禪，則良知兩言出，亏孟子將井孟子而病之乎？程子有言：知者吾之所固有，然不致則不能昇之。又言：聞見之知，非德性之知。德性之知，不假見聞，將井程子而病之乎？又謂明之亡，不亡亏朋儕不亡亏寇盜而亡，亏學術意。曰：此歸獄陽明，嗟夫！誠使明季

臣工已致良知之說互相警覺互相提撕則必不設招權納賄則必不設妨賢虐忠則必不設縱盜戕民識者方恨陽明之道不行不圖誣之者顛倒黑白逞戈矛弄簧鼓至丐斯極也又謂其開傳陽明之學者不無賢人君子則由其天資之美能勝其學術此又矯揉不中之論從來未有學術既非猶尋葆其天資者不想游談層見疊出蠹道真疑來學恐遂偏頗乖離先生正直蕩平之道不設已默造陽明釋毀錄長寧君晚歲竺信梁谿高子之學已自尋之旨授之公公繹之作密證錄已窮過之方莫備焉易喜伊川易傳博攷論易書沒擇精研纂周易集注四十四年公六十一歲 聖祖南巡命公與詞臣汪士鋐徐樹本等校全唐詩旋賜 御書傳

旨頒詢公病痊否狀五十二季公六十九歲

聖祖萬壽

節公入京祝釐禮成不俟卽而行公嗜學誠摯難進易退

之節始終一心守長寧君遺言步驟先民矩矱自壯至耄惟

隕越思飲然謙冲胸胸如不勝衣者而行義勇沒利害不

能回也勞費不自恤也修學校扶名教顧護師友獎誘後生

赴之若飢渴一時海內人望翕然歸之吏斯土者咨昂失已

善其政庠序英髦浸疑難已成其業鄉里懦良之民依恃已

自植而爲不善者有所忌憚觀感改行而遠臯古之所謂進

退皆有爲者公當之矣公嘗與門人林雲翥書自敘爲學大

怕頗詳盡謹述其要而論之其辭曰足下自閩中來毅然志

聖道觀足下之行甚清苦其問予僕甚恭而勤竊自媿僕

昔賢向徃之未能庶幾也。以躬自治不遑而設。妄當傳述之。任乎然有願進亏足下者。其說有二。一曰無遽求高遠。略庸近。子臣弟友君子之道。至聖曰爲未能庸德之行。庸言之謹。至聖曰不足有餘。爲斤斤。孟子曰堯舜之道。孝弟而已。然則舍倫常日用事親從兄之事。不爲而釣。濫索隱曰爲聖人之道。有出亏人心同然之外者。必且流亏異端堅辟之行。而與下學上達之旨。去之千里矣。一曰無妄生門戶異同之見。滕口說而遺踐履。朱子之注論語也。曰後覺者必效先覺之所爲。是能知者尤貴亏能行。注大學也。曰盡乎天理之極。注中庸也。曰充其本然之善。其會亏鸞湖也。傾倒亏陸子喻義喻利之講義。後此陽明王子拔本塞原之論。致良知之旨。一脈

相承本無乖隔或曲因時勢救弊扶偏實其萬不辱已之苦
衷絕非角量人我之邪見其與世之綴緝陳言出奴入主樹
幟自鳴者天淵不足喻其曠絕是正程子所謂翫物喪志者
耳其可冒昧不省彫溺其中乎僕自髫齡夙抱微尚中季南
北徃還不無科舉仕宦之累今者沒計閒居甘分隱約實願
諷詠遺經蕩滌瑕滓初歸田時里中一二奉佛友人欲相招
引僕心格格不入每聞其揚釋抑儒不勝嗟異因有儒門法
語少湖王子侯後編潛奪文集節要之刻定厥指歸曰杜狂
闌足下有志聖賢竊謂當日念臺劉子人譜證人會二書奉
爲入門良導且無曉曉丐紫陽姚江之辨也又嘗與九謹庸
書曰承下問近日新功不覺媿汗伏念流光如駛早衰之質

息可驚閔往者汨汨緇塵偶見禪客齋戒安居曰爲頗勝亏
奔忝名場酒會貪饕之輩喜與周旋旣而知其談悟者失之
蹈虛談修者失之滯實流弊所屆將使孔孟遺矩爲之蕩然
束髮受書白首顛蹶必遭鳴鼓之攻叩脛之責矣由是刻意
反求側身訟咎先亏義利分界微茫回頭猛省而戲言戲動
舊習徃徃而萌乃知紫陽主敬工夫顛撲不破也時有曰主
敬工夫須變化者公大論破之文多不載嗚呼公之所目躬
行心昇坊表人倫略具于此矣夫其學考古也詳故其履而
行之也正其尊德樂義也誠故其游于爵祿名譽禍福之間
懇然而不繫其饜飫亏名理也有芻豢之說故其教人譚復
灑至簡而通繁引而不厭自昇之指時時發之亏聲詩優柔

平淡若無他奇而循之不窮攀躋無自公之所養何如哉五十七年十二月公自爲墓志其銘曰繫馮虛之眇躬乘一氣之鴻濛知生死如晝夜乃原始已反終唯循理而順命坦逍遙兮大同庶朝聞夕可亦不滯乎苦空乘白雲兮悵望念來者兮忉忉明年四月卒年七十有五乾隆三十七年八月壬申門下後學羅有高謹狀

家君七十一壽述

家君字敬上號敬亭又自號傲情老人爲先大父文學君仲子先是先大父與外大父鍾月軒先生同學以才器志行相友善外大父數過大父飲奇家君少髫髻年訂婚姻焉及稍長從外大父請業繩趨尺步出入欽欽未嘗有佻言過動齋慙

若老儒有高州角時侍大父大母有高稚而好弄大父大母
舉呂訓有高故畧聞之也大父仁亏閭邨有施無德色恭儉
明恕不呂其長屈人姿稟絕等夷孰史事實穿綜博而善下
遇少俊亦虛已問疑義娓娓不倦外大父教授里中呂朱文
公小學習弟子漸乃及諸經列代史呂爲人之所呂爲人者
忠信大本也孝弟大順也體本效順隆亏君廣亏友正亏夫
婦平達氏物矣四德者命自天如泉蒸冽人汨之而淖也譬
諸蒙蒙不濬浸堙浸渝厥初衍呂土塗遂溷中古人才寡薄
率由亏此文公切憂焉輯小學示四德爲天下則正蒙呂型
蒙乃清譬諸樹藝本淡茲遂生氣潭然後末可蓂果也家君
入師大父出師外大父飫至論親規矩考祥其旋無或荒怠

坐不倚大不跛世俗博奕歌嘯嬉戲之具不服亏船談諧之語不道亏口放誕之士箕踞敖慢性成若生者接家君輒不自知其輔之緘容之戢也平居常善稱宋呂榮公之言曰人生內無賢父兄外無賢師友而能有成者鮮矣毅不肖輩徃徃述大父外大父遺言行雜徵引古書未嘗不移日夜則燭見跋不疲誠有味乎其言之也不肖輩入小學時家君授呂文公小學親正其音讀塾師高才生不甚樂拘檢大言曰是經史剩語耳剝割細碎或參揉俚腐何裨小兒予欲去之久矣家君正色曰是何言昔荆國訾春炆敢詬至今賢者顧相效邪大父聞之召告外大父且曰庶幾彊大不反者與何言之厲也家君酷信釋氏習因交報之說曰爲亏吾儒降殃降

祥之情不悖而淡嫉饗僧鼓扇福田利益但醮事廣營造爲
無稽習青鳥家言而痛排庸工房分偏枯之說居大父大母
喪啜粥飲水瘠太寢枕粗惡朝夕饋奠儀一放朱文公家禮
行之大父捐賓客時人有曰葬山售者家君偕從兄岱往視
之從兄故亦習相地法進曰山良吉但不利次支奈何家君
曰吾求免蟻涇患安先人體魄耳它何知哉如一父生十子
兩大戒中且焉得有完山衆子各懷利心縣魄不厝傷教化
害俗莫此爲甚女讀古今書負智識口術士語邪竟葬焉葬
時從兄外出諸子姓各職內外事家君獨經營葬移山峭岨
巖礫盤豆日登頓無節息赫曦不張蓋大風電驟凍不計避
匿髮髻亂不剪畢務病寒熱交作遂疴半歲乃瘳曩家君侍

大父疾衣垢不知更髮長委面面黧黑衿履若忘外大父見之憫方人曰吾甥讀小學乃如是家君強學力爲善恥自暴不肖輩蠢愚又不能視聽亏無形聲尤不設盡辭拂家君愴怕韜隱自抑損之志就知見所及謹詮次一二希天下善與人同之君子知家君行已大概如此今季五月二十五日家君七十又一初度同學諸君子僉謀所呂舉觴同懷兄有京呂有高遠客京師展期而呂書來命有高具述略乞當代大人先生一言爲光寵有高行不修言不文不足呂顯所生萬一惟大人先生俯鑒不肖兄弟烏烏之私假之鴻篇使昇藉手歸里呂獻一卮其犬之惠也家君太學生系出豫章世居瑞金密溪家母鍾孺人幼嫻外大父訓柔婉靜重克配家君

之德見季六十有九男子子三有京縣學生有高優貢生中
乾隆三十奉順天鄉試爵三太學生女子子四男孫子八女
孫子六曾男孫子二有高謹述

文昌帝君頌

有敘

意予髫齡童昏無知讀三魚堂文昌閣記謂此誠言正大
名通拳拳杜膺見陰騭文入文昌祠頗生疑謗後值善友
苦口諄諄析感應理質鬼神事我惑漸解困遭憂患粗能
反躬盡觀人情夜徵我寢僥倖倖開明昇生正信雪慮研忽
稽首佗頌辭曰

一十七世士大夫身九十七化功行圓滿正位斗樞爲章
天恭惟帝君好德无虧爲臣盡忠爲子盡孝庸行之謹格大

雄尊駐車聞歌龍身昇度一先一後般若宿緣忠孝因故般
若發炎悲願慈心積生護持蒙佛授記師表人天回向儒門
輔大成聖文明呂止鑒方下上歆蘭之馨薤衆蕪歲明明皎
陽匪降匪陟凡百君子慎獨無欺

觀音大士像贊

活潑潑地自杜尊水墨湧現慈悲雲悲願觀世救諸苦慈力
威音圓聞垂聞恩妙德渺超越圓融寶覺靡邊垣爍迦羅首
母陀臂與清瀨自八萬四千明遍法界光氤氳無量恆河沙
刹土刹刹顯化扶桑暎三十二應約略說靈迹十二生類普
攝普應未或遺微蝨萬水萬月出別總殊形殊咒泯功勳旋
流無妄議絕方何措筆寫蒙分蒲團晏坐燦光滿非去來

住恭己溫是三摩提妙蓮華是莊嚴路不二門是金剛王如
幻忍是無畏力深存存一方諸佛共讚歎文殊童聖精推論
宛然憺怕神變欽知畫者心彌清數活潑如提衆生耳潮音
不斷誰渠聞我時莊近紫竹昇展好相名香焚已辭榮利
割恩愛寄僧伽衆憐朋賓癡所聾盲室木牖卷聲結色愁終
宵夕昕撒繕龜勉自轉咒持號勤方新焦茅恩茁望甘露小
艸欲奮憐炁相添香再拜願覺者施金錫剖癡翳瘡楊枝杜
瓶日卓午無端饒舌行當捫

知歸子贊

予與知歸子游舊矣吾不知其始渺然相失逃矣萬里乾隆
三十季歲陽而蒙歲名佗噩乃相遇于京師且月炎天久光

滿屋脈脈心歡喜談丹鼎攷故章書真追戀爾我都忘邀我
閉關延壽寺街長洲館圖覺經一部莊子一卷或趺坐之幽
幽或說空之侃侃出關行省其兄汶上縣方汶上縣寄我書
書辭短短無它語要我素貧賤砥礪其廉隅我時尋書贊歎
謂奇特如聽朝陽鳳唳雖離鳴高梧彼時我心刻刻有一知
歸子彼時我欲徹究儒釋黃老之原與其氏涼涼求耦欲奮
而未奮自尋知歸子我膽廓廓斗覺新寬粗知歸子文章相
性如梅如青蓮寒香宋澣蘇祥扇爲人慈竺兒臞然畏避利
勢疑懦頑聞一善言見一善行意而有勇健若霜中鳶慊慊
乎其如有求也貧夫之徇財好色者戲色渴夫之恩飲周似
者索食曰皇皇而不息夜鯁鯁曰冰眸最後聞無量壽佛名

字遂積念焉不休其志灝然若迦樓羅王之闊溟水而吞龍也其身飄然若不繫之舟蓮溟無邊而嵯峨乎中流憺乎其幾方不憂也閔乎嘒嘒唇敝舌焦其嘯侶而命儔也吾之不見知歸子三歲矣一日十二時十二時百刻睇睵送遙晴喉閒長格磔自今已徃儻尋相亏茆屋三閒危峯鏡湖好夢一瓶名香一鑪一箇蒲團一箇盞孟佛號十萬聲藝巖一兩卷不亦樂乎不亦樂乎解水瀾瀾日徃月來云何不思

五山銘

有敘

屠維困藪之歲天目山人與其族子寅谷讀書鳳皇山心平志愉選勝目目之表遂造五山日窮其奧異徑僻道微窅然無竟機息塵遠與溟濤同趣寔溟外之奇樂矣久之

寅谷且出山役方南昌應鄉貢士試睹戀五山有不釋然者五山一曰昌鑪二曰蕉光三曰龍髓四曰碧苓五曰小仇池靈奇怪宕嵌空竒態寅谷之不釋然則亦何怪其然邪山人曰何不廬厥中納五山實之異時拳身矮屋張目哆口放五色雲氣莊麗高綸郁然風霄飄能測其變化之自哉寅谷其勉夫此矣于是置酒祖道銘五山曰壯其行

昌鑪山

日月升降昌鑪之巔樂其靜拙曰適聖賢昌陽之根龍臥其下吐雲雷雨施潤九夏君子觀之遠焉焉邁

蕉光山

蕉光之雲英英曠曠窈窕修邃風響玲瓏如玉旣雕而璞未

離如驥杜野卓而大斯蘭筋電迅萬馬旁睨君子養氣沛乎其辭

龍髓山

飛龍杜天流髓成山穴窿錯布皓爲玉田瑣而碎者亦璣亦珠龍啞所積耀此幽隅不緇不磷君子之珍

碧苓山

望如猗苓卽之淡碧奮空橫欹驕如飲霓桌溫若琰君子之心仰藏而息君子之德君子出山寶其淵密

小仇池

泛泛瓠尊呂樂青澗神慮不營神光串琲帝心陶陶琢彼瓊瑤瑤林晃晃仙樂超超呦鹿齎齎君子燕喜

尊聞居士集卷七

瑞金羅有高著

詩

寢中登翠微山昇句

坼徑絕猿引，欹峯倚天赤。中有辟世人，鄰聚談古易。春晴放
雞豚，瀾漫桃蕚磧。雪意玉寒松，鼻峭穿壁立。此閱世，運蒙
蘿，深宋厯。夜靜聞古琴，起步月浩白。泚哉化城游，酣嬉醉空
碧。下界嘒爍蟲，俛仰一太息。

寢中那那亭昇句

爍山太古色，爍樹晚濤聲。可憐紫蘭萼，幽香吹滿林。

送宋羽儀之南康二首

惜別章江頭。秋風吹別緒。寒雲千里停。對子不能語。策馬賴
溪陽。見面何縷縷。及此攜手歡。剪燭話太古。惻惻小雪天。迢
迢南康路。脈脈意未已。黯黯芳洲樹。

其二

予于遠游子。白髮閱昏晨。平生知己交。卒卒懷苦辛。辛亦
何爲親。慈甘賤貧。極懷黎水魯。請魯葉非孤子受風塵。念我難難
友。愧此薄植身。君行胡可輟。君意倍輪囷。我亦閩中去。悠悠
倚閭人。

丁亥二月自蘇州還里。彭九初送予至毘陵驛。呂詩贈
別次韻奉酬并寄汪大紳薛家三諸同學。

涵虛無際畔。浩蕩欲何歸。萬水同圓月。羣生道一機。空中延

反照雲外洞雙扉珍重鷗盟侶精嚴杜見非

贈李弟鼎臣五首

曰有三異鳥生長鹵江徼
戔戔老鳳皇恩勤閔啄菹積歲恩
勤淡變化各鳴嘯大鳥師金翅橫海氣雄
梟中鳥樂鵬騫九萬希遠到小鳥鵬鷃赴
抃爽開玉抓三鳥宛相餽如彼漆粘膠好
音進苦言丙夜撫訓誥欽欽萬古懷長繹
鳳皇教

其二

浮生劇風波中季憂樂半純素汚所緣
高明鬼斯覲三人成市虎冒昧懼旣患
太志苟不欺可使金石貫荆山剖奇珍
精神胞層漢蓮出火宅中香光近逾爛
孟子道性善大禹陳洪範彝倫矩自天
怪變誰能亂但期保耿耿白髮娛歲晏

其三

三鳥旣豐澤鳳皇竝老癯中鳥萬里歸顏色轉非舊再拜問
康安汨落紛頰皺阿母况多難柴大黃髮候廷有三鳥雄積
瘡未能漱含酸戒中鳥猥翔休滯逗所願成功名是用介
壽悠悠愴肺肝進止兩眩瞽卽此悔讀書獨在唯自咒

其四

訪梅樓上月徃時共淡夜吾季猶少小語甚已激射縣銓聽
雞鳴留戀難就舍乖離雖日淡此意尙如亾萬事東流水一
一成悲吒俛仰抱幽獨茹荼若啖蔗昔年病燕雲譌語雜嚶
訝兄弟終杜口鄰死心不化載誦小宛詩泪比源泉瀉

其五

我季三十五季季三十一陽月哉生明潏瀾湧初日祥雲照
桑弧春暉燦遂華願尔多男子賢明繞雙和願尔到期頤康
疆无疚疾願尔韜詩書豈第何陰騭世路劇多岐尔事貴淵
卓慎勿計功勛畜德貴專一前哲頌高言君子修之吉

贈鍾生 有敘

鍾生名泰璉字伯玉予表兄京初族弟也家僅一椽粗蔽
風雨餽粥不充僭負雜俚呂養其親而讀書不輟嘗求爲
鄉校爨下炊僮藉呂講論文藝益刻苦時或忘炊爲校師
所誚不顧也天性竺擊父病見人輒流涕父病嗜楊梅徧
索之必見乃已蓋庶幾乎古之獨行者與予聞京初誦生
行肅然起慕作詩勉生力終之

漢有茅容去我久聞生之行若見之傭保雜佗常挾策呻吟
午夜志欲窮淵微肩負陶器謀甘脆時復佗邨輟師爨下炊
兒粗神腮十指黑破衣赤腳兀然正坐酣文辭偶尔煮飯忘
著算主者誚責甘如飴我聞古賢豪既窮自厲多若斯卜式
未達曾牧羊公孫收承允舉栖五羊食牛佐秦霸行歌而樵
守會稽天假奇境鍊爽骨史傳所載蓋難一一臚其詞我生
愛才如愛命胆前磊落遭逢希世呂膏梁汨真性華門敞席
空見嗤嚙哉鍾生毋言久困自隕屈鬼神牖汝方將使汝心
地森靈芝况生至性我所畏趨庭至行徵楊梅不見鍾生面
寫寄鍾生詩高恢伯通竟宋漢我今何幸得與鍾生相攀追

示表姪文杜

筆拙詩難王爲介州小詩我詩未足貴季子略其辭上陳周
孔範下陳居業規已介姿純明先世培隆基念介堪箕裘爲
介殫所知受中謂之命定命杜威儀坐立欽而莊幽獨森嚴
師君子所無逸淵泉寅天威尼山承九疇兒言視聽思此是
物之則好德無荒嬉凡聖均靈苗雖漑賴經畝背經聰不開
離經明不治漢唐宋名賢先路開榛岐周道若砥矢循循範
驅馳子奉日杜東天豈無意爲昔介曾大父爲學探皇義立
身如禮經峻節超等夷原流未云遠追步休參差我言非漫
然願子紳書之

贈賴惠泉

衆山學山止
方盡衆川學
海流滴滴萬
折東趨事谷
王湮潢

重刊月十集 卷七
同德無貶屈賴君溫謹器修端志渺天雲忽迅猱如泉杜泓
金杜鎔清光淵冶涵初日下詢予謂有知按問道奧稽烁
實道有相角妙能無覩縷煩言道滋塞脊梁高豎簷簾邪濛
濛隱隱出晴霽會承如人斯竺專螺羸誨子見誠壹變變化
化故平平密密縣縣貴律律通之佗字兼佗詩不紛用志精
乃謚仔肩佛時其人難我已唐廢君常與擇辰脂車寧山陽
笑視萬蟲矜跛蟲

爲族子寅谷題畫四首

出谷晴嵐歎昇米子心喜危橋步踟躕歎息春田美南陔有
叢蘭可畱續祖妣

右負米圖

縣流匝空濛萬古聽逾閔洞庭奏鈞天大造一吹息莫然乃
無魂斯理問青壁

右觀瀑圖

玉簾已奇絕對此轉超然何人太斗樞衆海攬其全內觀昇
無始一滴常涓涓

右嘯海圖

空山斗室孤回合松杉積誰信中有人危坐若蹲石嘯海方
歸來亏玩無象易

右習靜圖

非非石篇

有敘

天目山人與寅谷子觀亏小仇池寅谷曰雲與烟與玉與

石與山人曰其石其玉其雲其煙寅谷曰非石非玉非雲
非煙山人曰非雲非非雲非煙非非煙非玉非非玉非石
非非石然而仇池之峯皆石也作非非石篇

我入小仇池恍覲星宿潏空水疑有無心目眩紅彩曰謂瑤
華煙忽如雲縠鍵又如玉森茁蒼白照叢璫定睛視之石物
化故相駭情然意初平轉瞬遂變改流離曳明霞蟬蛸弄此
豸非玉非煙雲石卽何能尔非石石不甘巔麓故石體結想
青蓮房小仇池一名青蓮洞天香瀨比蓮子飄縷空中塵幻此鮫人市珊瑚
錯琅玕或潔或微滓或卓若太屏淡皴出精理一峯若旋螺
瑩膩凝獺髓一峯辨萼含天葩吐蓓蕾有若桐焉味有若春
林葱或赤如火齊或斑如璚瑁雕刻羣生形丹素羅衆暉久

視熒雙瞳名狀難具紀須臾光景融純白失瑕類雪骨豔晴
波萬仞縣編貝罡風奏雲璈動盪蒙煙態爛爛寶闕榆森森
裸裎怪儻曾鍊女媧否固同積塊離石將何名非石豈可概
巫咸遙啓予茲近無色界非非石妙諦契真粹是時寅
谷子離魂駐青霄寢醒陟宸中盈腹走沆瀣盛氣厭頑僊握
槩擬相賽赫赫千里船汗臥頰胸背繪此清涼圖暑牕空淡
對一枕尋翛然夢晉聽欵乃

贈潘守愚忽質昆第六首

逝水不可極大儀無停轉悠悠三十季微抱未遑展前聖去
我久積疑竝嶮嶂安尋中山飲醉冥羅衆善

其二

中散負青霞。忽王歎飛蓬。平子利蜚遯。班掾賦幽通。古之賢
達者。一笑大鴻蒙。所志多不踐。萬古悲回風。

其三

太息南郭人。三悲而日遠。端著昇潛龍。空林安靜偃。行義會
有適。早計怨歲晚。咄哉殷溪原。名浮坐自蹇。

其四

兩潘東鹵陸。駿健睨高寒。心懸白日照。手臨青雲攀。長嘯沮
溺津。捷步燕然山。霜蹄故空闊。自問何能閑。

其五

結交樂昕萁。語默論淡契。午夜供清茶。微言屑風桂。妙處輒
粲然。縱脫無相蒂。叩首望青霄。算遣浮陰蔽。

其六

讀書苦不多據德苦未堅涼涼取道遠骨肉愁南天馳驅愧
濩落栖食安清便昔訓日周復寧令本志遷

次沈大方先生七十生辰元韻

人生七十古來稀一榻跏趺昇所歸禪戒竝參原滴滴有無
雙掃想非非靜涵器界心容大惑盡塵沙見量微性地工夫
須學地空王弓此愜瞻依

觀劇三首次大方先生韻

驢鳴草店記邯鄲震主勛名枕上看半世悲歡成一笑晨鐘
動處月光寒

其二

十種禪那果未圓休從戲論溯因緣
茫茫碧海蓬萊藥祇杜
繩牀豎指前

其三

場下盧生太息頻回頭誰是息機人
世閒憂樂知無定好惡
元來亦苦辛

心華次大方先生韻

神相無處所寶尊竝天開絕豔齊
凡聖生香斷去來茲含陽
九德甲圻地中雷本是優曇鉢何曾上點埃

天華次大方先生韻

天風吹捲處新好又成叢妙旨精微感詎容
狡獪通續紛囿
古塔變化屬元功不著微無漏從它萬點紅

象生萼次大方先生韻

不相而妙麗衰榮昧所之都忘冬夏改一笑栢松枝瀾漫知
何自離披定有時偶然逢病目傾倒爲題詩

次大方先生遣興元韻

春風童冠忘機侶扶杖尋萼到野亭逝者如斯君見否
昨宵萌達已含青

過繭雲廬名之曰方寸蓬萊作文記之更題詩其後

刻意揆幽人海外精廬誰愛石塘偏山攢滯綠環空界室敞
低垣受遠天遯迹便同冀皴繆移情虛寄子春弦嘉名肇錫
休相訝一記精微證水僊

尋知歸子偶述詩及竺香子咏詩歡喜贊歎亦成咏詩

四首

光音開空劫開目嗜飲食長養諸相蟲蠢動生業識俄然男
女判候尔淫恣偏納想流愛開團圓交二色無始一念迷坐
令中陰惑顛倒出種種輪回日充塞見分相分興一體盡眇
域瞋耳鼻舌意與身成六國國國不相知互互爲盜賊各各
無厭足昧昧覲苟昇兼之蠢我人兩峯樹劣削愛惡不停感
攻取妄羅織同類頭尾換能无肆戕殛類類呼鄙羣彊弱如
卷席哀哀榛榛初人獸竝狼藉恭惟古賢聖應化大人極明
倫措義禮正彼淫欲忒假物煩滾悲勤體教稼穡驅導狂
者放之歸幽逖都俞置虞官上下馴鱗翼仁風來威鳳歌舞
球磬側維時下土夫濫問安他息耕鑿故有營者壽翻多福

中閒雜治亂民性困譌易惡習疊垢纏性光彫淡黑貪愛與
殺貪輾轉落其實中古別氏族嫌疑辦瑣蹟久如隄坊穿禍
始一蛾隙鄭衛波靡靡流末滋險劇衽枕弄戈矛骨肉飛鳴
鏞用愛涂炭基轍轍沿舊則佐呂口腹孽黏繭難剔拭太平
物力豐宰殺飫賓客冠昏喪祭鄉剝割誰歎息當人哀怒時
物命恣魚磔當人歡喜場物情尤慟戚彊忍庶生苦臙填七
情塋入鼎既號跳下咽猶唧唧那意它生惡但記今生敵爲
旱魃疫癘人愚不知惕不然爲豺虎不然爲蠱蜮或司人潛
行或居人肝膈衆生種種病萬變難可測生藏孰藏中冤蟲
百千億形狀見方書蠹呋若蠶蝕何故樂交報爲彼輸精液
不然復人身嘯侶播灾厄變現羅刹面阬屠慢冤積吾觀前

代史淫殺代新關奇痛不忍言徃徃傷心盡哀哉去聖久魔
說岐且巖外籓周孔言內擴色會宅冠裳陳鼓鐘拜跽盡儀
式謾彼芽櫨處二端常的的羊蒙虎皮毛凡假聖牆壁雷同
徧娑婆機械階徃昔偶聞戒瞋癡大笑落巾幘寧伊性如然
夙業作伎力幻師弄傀儡甘受魔鬼役大有利想漢繫戀憚
憂草亡前已卻去疑悔環相搯躲梃杜微茫拈塵自乖隔鼓
脣出戲論滑稽頗微繡聞之無奈何正襟坐而默念予哆哆
久好內歡噬腊一微戛層漢激水凝鹵滷因緣讀楞嚴謬爲
文字罪沒定清淨誨正信匪調直璽沱今幾春諸塵日膠黏
恩感大慈願攝受盡散僻投我障難叢寶珠臂衣械雖然不
再現醜醜如可卽普觀不淨觀四大智火赫再觀還原觀色

味無畱迹誓盡未來際護念設偷斂昇無礙辯才洞諸塵翳
隔何十二類生永脫死生籍南無阿彌陀施我豪光白

其二

吾觀大願品無邊無本剽智刃剖微塵囊括大千吳二百十
億刹刹選擇了四十八願王願願莊嚴好一二三四五五
願漸諸惱三涂坦光明胎獄化蓮祿衣食稱念來殿閣殊勝
媚味合種種香香行佛道事事絕希求一一嵌七寶哀哀
閻浮提用此肆奸狡欲溝結空漚四大共纏繞墜地哭號嘯
悔覺苦不早因循習前塵景事紛相紹習習眷戀生久久貪
癡造昇知蔗杖甜翻憐出胎燥色食田宅衣籌運盡精眇口
口知止足心心計多少無貴賤賢愚各各不知老坐斯心地

荒鮮畧長灑埽等閒施餘財責報甚誅討能修有漏業已屬
傭中佼但惜惠本迷盡餅論飢飽况其剝它人卽箭能無受
周歷徧三涂虛妄成毒撓皆願諸有情怖畏力擎橋欣欣自
然福意念忘昏曉回向杜今茲纖疑隙空祿南無阿彌陀衆
手青蓮表

其三

青蓮湧香光優雲蓋華妙十二光如來光熾蓮曜蓮想空
倚依皆擊皆覆冒哀哉逃逝久違背慈父約如斯妙蓮臺污
娑肆殄暴恭惟清淨相陽緣無變兒亭亭出泥淤曾不滓泥
淖但悵矮謝勤未畧長開覺巍巍釋迦文蓮舌承典誥摹寫
極樂尊指引最明到羣生愛苟難聞之爲矧笑翻呂簡易法

疑慮自封罩樹大我慢幢妄語逐蟬桌藝嚴與瀟土權實竝
騰照如普賢文殊竝佉鹵方導龍樹出龍宮願生何慥慥是
三大菩薩豈其偶荒耄又如首楞嚴勢至陳功效專意譬于
母歷劫優裏裏斯與聞息修同是圓通要觀音大勢至同佐
彌陀教登科下第言鼓瑟柱已膠禪心瀟土心心無動掉
佛念衆生念念念相鈎鈎螺贏呼螟蠕誠一旨克肖家雞伏
雉卵出殼由啄菹生佛况一體起信何悔懊歷代善知識勸
生勤諭詔其言明且清按按瀟土與世士縛深業披誦增其
傲寡聞不闕疑哀旗轉風蠹我友知歸子慙諸蚊蚋鬧破口
舒赤舌礙障頤波瀆傑然末法中天骨信雄梟願子逆流去
反聞威九竅南無阿彌陀無靜發清嘯

其四

我友知歸子契闊心旦旦寄我一張字危語竦嫵嫵歌偈七八首香潔比蓮瓣君心我知之樂善喜共薦載讀竺香句海濳卷清辯同心三千里胞胞見顏面昇槭未開讀對槭淚如霰愛廬無端由杜撰出身段一字一愴惻淚落珠母簪遙遙謂愛廬歲筭各云晏繫心期一緣衢道靡畔岸兼告諸同哀精修慎勿券佛說波旬說浚定立區判問涂首康莊邁徃震雷游小子卽候弱驥尾誠眷戀此時二六時寵勉遲露電弄筆窮愁中春蠶自縊冒懺悔復懺悔飲藥忍瞑眩它日刺頭來共刻蓮漏箭跛鼈多濡滯不休銘寸願溪心樂餘光翹首諸公先南無阿彌陀大悲布方便

辛卯仲冬同李四叔膝自廣州過嶺至贛縣分攜爲詩
送之歸山東寄懷令兄焯水鼻三首

南游訪君兄

李文藻菴晚時知恩平縣

揖君頎而長握手勸飛杯論議多慨

恍君能誦古文縣涵聲琅琅君能工歌詩金奏鏗呂鏘感君
盛意氣鄭重豁肝腸浮雲中闊阻心跡兩微茫久之益君賢
濟汲愧淺嘗君兄誠沈武君心故慈諒惻惻樂施濟循循企
周行天性若神泉聲沸流大荒對君念頑薄龜勉急扶將願
君永終譽作詩期勿忘

其二

同舟逾千里莊謔紛雜會琴心閒晤言笑視形骸外歡好方
日新不謂當分背歲晚關塞長敝裘風雪大青鸞語偶停小

鳳聲瑣碎寢醒感別離
徃徃發長喟到門後
月中團圓娛卒歲
仲子酒懷寬
麋雲忽滂沛
恐憶海南人
怛怛不成醉

其三

燕中面仲子雄闊丈夫傑
矯矯虹飲河馴鷲鷹壯繼風雲有
遘會萬里看一瞥
叔子亟遺文
篝鐙邀點閱
君哭聲忽高雨
泣珠貫纈又讀徐公文
至論竦罷劣我如陰壑
公炙君尋新熱
君如陽燧火寒食性難成
精神長入睨睂宇
三爍別有詩細磨碧矜惜
自珍說季子時誦諷
令我叫奇絕日飲想無多
孤斟對明月愛弟萬里歸
覓盆早羅設能復憶我否
寄我郢中雪

別友四首

稂莠與嘉穀同畝而異相芝蘭雜荊刺鼻睨分微垠陳義辨
種類講學精鋤賴所貴杜不休寧旨動靜論

其二

明察見淵魚其號爲不祥樓櫓令內向茲語味淡長見人不
見已一室迷四方君子聽視闕毋令耳目荒

其三

結交六季餘情好轉溪貌宛慙相厚心切礪殊州州何時同
州閭十季肆幽討涼雲東鹵馳會合焉可保

其四

聚散無常期形隔心自通澄懷潔獨知萬里故譚同動息觀
其理積善紅塵中握手重有念分攜杜秋風

題彭允初所藏東林五君子手帖四首

煇而復煇風本蕙其如何寒松貫公雪陰火焚崇柯崇柯燼
且灰琥珀光不磨酷哉五君子時命誠坎軻彼醜方炎炎羣
桎嘯而譟後先血肉飛進退櫻禍羅大義當龜勉剖心激頽
波載誦羔羊詩涕泗紛滂沱

其二

我友彭季子學志兩東林天夢六時供忠孝觀厥滾偶見五
君書感甚梁父吟曰楊曰繆魏兩周皆國琛明運屬昏黃狐
鼠弄霾霧九州鉗罔彌妖氛毒矣淫唯時儒林賢舍命爭天
心獨見五君書我已頭岑岑

其三

蕭觀景文書雷霆鬱掀擊旱魃中
天膏雷繞驚蛇綰蕭涼念

佛人渺志青蓮寒

忠介官京師日課佛名一千見爐餘錄

暗嘿發怪咤義聲沸愚賤

諸魁心已亡施罵意何腴
肉身受泥犁正念能不轉
公子仁且武血疏麗朝睨惜哉不昇觀湛嶠青霞緬

其四

應山椒山儔遙宮氣挺挺二十四
皐疏姦膽落其鰓同心魏
與左揚激忠憤炳誰記左公書
割去聽無瑩江陰暨吳江
誦說懷孤耿心畫飄殘雲字
外餘清勁商飈撼屋梁
展對塵慮屏頑懦無我如
作詩永淡省

答彭焮士二首

嘉辰遂已遠良友念分攜
良友有好句著紙能鳴飛
阻隔數

春煠空谷投我詩靜遠貯幽馨生瘳出精思古響彈朱絃心
僕無往儀奉持清越篇結想瓊林姿其胸所藏者奧邃詎可
窺

其二

我歸困塵网慙對紺色珠感歎風雨心寥闊轉相亏音往未
嘗有今別誰謂無寄臥卽窮山煠忽周平湖形跡勢莫并蘭
具兩際俱此理日來徃靜者宅其都敬身專厥司不晤情亦
舒

冬日過寶輪寺值雪呈沛林蘇尚

肅肅德人兒依依君子堂無言蒼煙水有實畱鳳皇歷見足
煠眼娛聞空鳴琤高枝遮雪片縹緲綠蒙光

煎灣寺前見親迎者

天上春冬轉人閒嫁娶忙情泡開國土愛水幻滄桑笑哭誰
同寢飄流失故光悄然寒自省頂禮法中王

題蔣久章煉丹圖

日之過河有損焉風之過河有損焉而河未始見攪者恃原
目往長便便人生受命若隙駒出入老漁真哀湍彼夜眠者
寐未曉造境方寢千其端厥費實甚不肖儉日瀉萬斛皆珠
泉或撼或搖瞬且瞋固寢是執甘而擊可憐通身是沆瀣支
支節節金丹鮮沆瀣用澆土木偶金丹用彈紙黏爲新僊怪
笑老僊哭方瞳雨泣何潺湲歸樸道人讀四書片念斗覺囊
毛寒因而掣味道德經因而按索連環圈瀕氣欲通堦率闕

精心擬洞紫陽關因而慈悲芽甲塢一切功德求堅完因而
清淨信開臆金剛一卷窮流季已足繪圖兒厥志偶我展對
風冷然圖中之人幻非幻亦離非幻空名言青壁幽幽失大
暑科頭懺怕棕蒲團謾謾晴開松瀑吹熊熊直見丹光縣道
人官墨但宋坐是何意度看彌妍吾聞丹鼎不可狀又聞丹
指難辭詮繫彼僮子覺者否手兩壺盧顛倒顛道人徒義性
勇銳今發勝願攀金蓮更請姚君再把筆添串百八摩尼圓

偶題二首

吸盡金湖沙竭羅橫空遇石亦平過片鱗疎鬣漫天雨不遣
纖豪作幻波

其二

濠梁魚樂君知否與水相忘不感恩捉向岸頭魚腥湮現成
家當更誰論

卷之七

尊聞居士集卷七終